

## Universitätsbibliothek Paderborn

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

**Genet, François**

**Parisiis, 1703**

Q. 4. Tenetur-ne quis, si fieri possit, uti in baptismo aqua benedicta  
Sabbato sancto ejusdem anni, aut sabbato Pentecostes?

**urn:nbn:de:hbz:466:1-40834**

De Sacram. Baptisni. Cap. II. 59

non esse de necessitate Baptisni , atque ideo  
verba illa Domini nostri Iesu-Christi , Nisi  
quis renatus fuerit ex aqua & Spiritu-santo,  
ad metaphoram aliquam detorserit , anathe-  
ma sit.

Quæst. 3. Quælibet aqua est-ne materia  
remota Baptisni ?

Resp. Divus Carolus , post sanctum Tho-  
mam , sic respondet : Parochus populum sa- D. Carol. Ac-  
cramenti Baptisni materiam doceat esse omne tor. p. 4. De  
naturalis aqua genus , sive ea maris sit , sive Baptis. admi-  
Fluvii , sive paludis , sive pustei , sive fontis ,  
qua sine ulla adjunctione aqua dici solet .  
Aliis autem liquoribus aut aquis , qua ex flo-  
ribus , herbis , aliisve id generis exprimuntur ,  
eliciunturve , Baptismum confici non posse  
ostendet . Aquam præterea puram mundamque  
esse pro Sacramento dignitate convenire , nisi  
necessitate urgente in qua uti licet & aquâ lu-  
tulentâ .

Attamen , ut ait Divus Thomas : Si forte D. Tho. 3. p.  
aqua admisceatur in tam parva quantitate q. 66. art. 4.  
alicui corpori quod compositum magis sit aliud in corp.  
quam aqua , sicut lutum magis est terra  
quam aqua , non potest fieri Baptismus .

Quæst. 4. Tenetur-ne quis , si fieri possit ,  
uti in Baptismo aqua Baptisnali Benedicta  
Sabbato sancto ejusdem anni , aut Sabbato Pen-  
tecostes ?

Resp. Dicendum , cum Divo Thoma , quod D. Tho. 3. p.  
illa Benedictio qua adhibetur aquæ , non est q. 66. art. 5.  
de necessitate Baptisni , sed pertinet ad quan- ad 5.  
dam solemnitatem , per quam excitatur devo-  
tio fidelium , & impeditur astutia demonis ,  
ne impedit Baptismi effectum : Illa tamen  
Benedictio , qua adhibetur aquæ , non est de D. Th. m. 43  
necessitate Baptisni . Dicendum tamen , cum sent. dist. 5.  
Divo Thoma , quod non licet Benedictio- q. 2, art. 1.

## 60 TRACTATUS II.

quæsti. 2. in corp. nem prætermittere propter Ecclesiæ institutio-

p. 4. De Bapt. jus Sacramenti materiam pertinet, id animadvertisit; ut aqua (qua materia Sacramenti Baptismi est) non solum vera natura-  
lisque sit, sed etiam eo ipso anno (quemadmodum sanctè caustum est) benedicta in Sab-  
bato Pascha Resurrectionis Domini, aut Sab-  
bato Pentecostes. Unde ibidem sic prosequitur.  
*Aquam Baptismalem (quoniam puram illam quidem, mundam, nitidamque esse, ob tanti Sacramenti dignitatem convenit) in ipso fon- te per totum annum, quoad ejus fieri potest, tum decorè, tum pure conservabit. Quam ob causam tum fontem pro Sacramenti Majestate ex eo prescripto decenter extructum ornatumque habebit: tum etiam totum ipsius fontis opus undique ita contectum tenebit, ut nec pulvis, nec ulla alia sordes intrò penetrant, quibus aqua corrumphi, aut impura fieri possit.*

*Quæst. 5. Quid agere debet Parochus cum aquam benedictam ad usum Baptismi, cor-  
rumphi contigerit, aut quocumque modo ex-  
hausta sive lapsa est?*

*Resp. Divus Carolus ibidem ait: Quod si intra annum præ temporis diurnitate, aliâ-  
ve causâ, illam corrumpi contigerit, in Sa-  
crarium prope fontem Parochus projicit, sta-  
timque & fontem purgabit. Et verò si in urbe  
est, ad Metropolitanam, si in Dœcesi, ad  
plebanam Ecclesiam veniet, unde proprio vas-  
culo nitido aquam Baptismalem accipiat, in  
Parochialemque Ecclesiam secreto ferat: ubi  
quam primum in fontem effundet, Baptisma-  
lique aquæ allata tantum etiam aquæ puræ,  
nitida & recentis addet, quantum satis erit.*